

10. oktober 2006

UKA 2006/9

allannguutissatut siunnersuut

uunga

**Sulisoqarnermut akitsuut pillugu Inatsisartut inatsisissaattut siunnersuummut**

Aappassaaneerinissamut Naalakkersuisunit saqqummiunneqartoq.

§ 1-mut

**1.** § 1-imi, imm. 1, allanngortinneqasaaq: "§ 38, takuuk § 39" uunga: "§ 76, takuuk § 78".

§ 2-mut

**2.** § 2, imm. 1, imatut oqaasertaqasaaq:  
"Imm. 1. Sulisoqarnermut akitsuut, inuussutissarsiutinut atatillugu iliniartitseqqittarnermi, sulisoqarnermi ilinniartitseqqittarnerit piginnaasallu ineriartortinneqarnissaasa aningaasalersorneqarnerannut ilaasoq akissarsiarititat katinnerisa 0,9 %-attut annertussuseqarpoq".

**3.** § 2, imm. 4-mi, allanngortinneqasaaq: "§ 17 b aamma § 17 c" uunga: "§ 39 aamma § 40".

§ 4-mut

**4.** § 4 imatut oqaasertaqasaaq:  
"§ 4. Suliffeqarfiup akitsuummik akiliisussaatitaasup qaammatit naaneri tamaasa, kingusinnerpaamillu qaammatip tulliuttup ulluisa ulluinnaasut kingullersaanni akissarsiat akitsuusiivigineqartussamik katinnerat kiisalu taakkua akitsuutissaat akileraaruserivimmut nalunaarutigissavai.  
Imm. 2. Nunalunaaruteqarneq akileraaruseriffiup immersugassiai atorlugit pissaaq."

§ 5 aamma § 6-mut

**5.** § 5, *imm. 2-mi*: "sulisitsisutut kommunimut" allanngortissaaq:  
"akileraaruseriffimmut".

**6.** § 5, *imm. 3 aamma 4, aammalu § 6* atorunnaassapput.

§ 7-mut

**7.** § 7, *imm. 1-imi aamma 2-imi* "Sulisitsisutut kommuni" allanngortissaaq:  
"Akileraaruseriffik".

§ 8 aamma § 9-mut

**8.** § 8, *imm. 1*, imatut oqaasertaqassaaq:  
"Suliffeqarfik eqqunngitsumik nalunaaruteqarsimasoq paasineqarpat,  
ikinaagaasunillu akitsuummut akiliisoqarsimappat, aningaasat akiligassat pillaammik  
ernaliunneqarsinnaasut ilanngullugit piumaffigineqarnermiit ullut 14-it  
qaangiutsinnagit akileqquneqassapput"

**9.** § 8, *imm. 3-5*, aamma § 9 atorunnaarput.

Qulequttamut

**10.** Qulequtaq "Nakkutilliineq pillugu aalajangersakkat" allanngortinneqassaaq  
imaasillugu: "Naatsorsuuserineq pillugu aalajangersakkat".

§ 11 aamma § 12-imut

**11.** § 11 aamma § 12 atorunnaarput.

§ 13-imut

**12.** § 13 imatut oqaasertaqassaaq:  
"Naalakkersuisut inatsisip matuma atuutsinneqarnissaanut  
malittarisassaliorsinnaapput".

§ 14-imut

**13.** § 14, *imm. 1 nr. 2* atorunnaarpoq.

Nr. 3 aamma 4 tamatuma kingorna nr. 2 aamma 3-nngussapput.

14. § 14, imm. 1, nr. 3, nr. 2-nngortussaq imatut oqaasertaqassaaq:  
"2) § 4, imm. 1, imaluunniit § 5, imm. 1-imik unioqquitsisoq".

Siunnersuummut oqaaseqaatit

### **Oqaaseqaatit nalinginnaasut**

Siunnersuut siullermik aningaasarsianit akileraarutit pillugit Inatsisartut inatsisaannut siunnersuutip (UKA 2006/30) aamma akileraaruserinermik ingerlatsineq pillugu Inatsisartut inatsisissaattut siunnersuutip (UKA 2006/29) kingunerisaannik malitseqartitsinernik arlaqartunik imaqarpoq. Siunnersuutit taakkua ilaatigut kinguneraat aalajangersakkat arlaqartut, sulisoqarnermut akitsuut pillugu Inatsisartut inatsisissaattut siunnersuummi innersuussutigineqartut, nutaanik normoqaleneri, aammalu sulisoqarnermut akitsuut pillugu Inatsisartut inatsisissaattut siunnersuummi aalajangersakkat arlaqartut peerneqarsinnaanngorlutik, akileraaruserinermik ingerlatsineq pillugu Inatsisartut inatsisaanni aalajangersakkat pissutsit pineqartut aqutarimmatigit.

Aappiullugu allannguutissatut siunnersuut Inatsisartut Akileraartarnermut Akitsuusiisarnermullu ataatsimiititaliaanit 23. maj 2006-imi allakkat tunngavigalugit saqqummiunneqarpoq, allakkani taakkunani ataatsimiititaliap ilaatigut oqaatigalugu aningaasat ilinniartitseqqittarnernut piginnaasallu ineriartortinneqarnissaannut ukiumoortumik pilersaarutitut tunngasut sulisoqarnermut akitsuutit ukiumoortumik isertitat amerlaqatigissagaat inatsisikkut qulakkeerneqarnissaa kissaatigalugu.

### **Aalajangersakkanut ataasiakkaanut oqaaseqaatit**

Nr. 1-imut

Siunnersuut aningaasarsianit akileraarutit pillugit Inatsisartut inatsisissaannut siunnersuutip kingunerisaannik normulersuinerup allanngornerata malitsigisaraa.

Nr. 2-mut

Siunnersuutigineqarpoq akitsuummut procenti 0,9-mut aalajangerneqassasoq. Sulisitsisut inuussutissarsiutitut ilinniagaqarnernut tapiissutaannut akitsuut, ukiumoortumik aningaasanut inatsimmi aalajangerneqartartoq, ukioq aningaasaqarfiusumit 2000-imiilli 0,9 procentimut aalajangerneqartarsimavoq.

Aalajangersakkami oqaasertaliinermik allannguinermi erseqqissarneqarpoq, sulisoqarnermut akitsuut sulisoqarnermi ilinniartitseqqiinerup piginnaasallu ineriartortinneqarnerisa aningaasalersorneqarnerannut ilaasoq. Tamatumani

paasineqassaaq ilinniartitseqqiinnermut piginnaasanillu ineriartortitseqqiinnermut atatillugu aningaasaliissuteqarnissamut pisariaqartitsinerup annertussusia sulisoqarnermut akitsuutinit isertitanit appasinneruppat, akitsuutitut annertussuserititaq naliliiffigeqqinneqassasoq.

Nr. 3-mut

Siunnersuut aningaasarsianit akileraarutit pillugit Inatsisartut inatsisissaannut siunnersuutip kingunerisaanik normulersuinerup allanngornerata malitsigisaraa.

Nr. 4-mut

Siunnersuut akileraaruserinermik ingerlatsineq pillugu Inatsisartut inatsisissaannut siunnersuut naapertorlugu akileraaruserinerup akileraaruseriffimmi katersorneqarnissaata malitsigisaraa.

Akitsuummik akiliisussaatitaasup akileraaruseriffimmut nalunaaruteqarnissaa akiliuteqarnissaalu kingusinnerpaamik qaammatip tulluuttup ulluisa ulluinnaasut kingullersaanni pissaaq, akileraaruseriffiup nalunaaruteqarneq pillugu immersugassiai atorlugit pissalluni.

Akitsuummik akiliisussaatitaasup immersugassiat pineqartut akileraaruseriffimiit toqqaannartumik nassinneqarnermigut pissarsiarisassavai.

Nr. 5-imut

Siunnersuut akileraaruserinermik ingerlatsineq pillugu Inatsisartut inatsisissaannut siunnersuut naapertorlugu akileraaruserinerup akileraaruseriffimmi katersorneqarnissaata malitsigisaraa.

Nr. 6-imut

Siunnersuut akileraaruserinermik ingerlatsineq pillugu Inatsisartut inatsisissaannut siunnersuut naapertorlugu akileraaruserinerup akileraaruserivimmi katersorneqarnissaata malitsigisaraa. Tamatuma saniatigut siunnersuutip kinguneraa kingusinaartumik akiliinermi erniat akileraaruserinermik ingerlatsineq pillugu Inatsisartut inatsisaanni malittarisassat malillugit aaqqiivigineqartarnissaat.

Nr. 7-imut

Siunnersuut akileraaruserinermik ingerlatsineq pillugu Inatsisartut inatsisissaannut siunnersuut naapertorlugu akileraaruserinerup akileraaruseriffimmi katersorneqarnissaata malitsigisaraa.

Nr. 8-mut

Siunnersuut akileraaruserinermik ingerlatsineq pillugu Inatsisartut inatsisissaannut siunnersuut naapertorlugu akileraaruserinerup akileraaruseriffimmi katersorneqarnissaata malitsigisaraa aammalu kingusinaarluni akiliuteqartarnermi erniat pillugit maleruagassat aaqqiivigineqarlutik.

Suliffeqarfik eqqunngitsumik nalunaaruteqarsimasoq paasineqarpat, ikinaagaasunillu akitsuummum akiliisoqarsimappat, siunnersuutigineqarpoq, akitsuut minnaarlugu akilerneqartoq, aningaasat akiligassat pillaammik ernialiunneqarsinnaasut ilanngullugit piuffigineqarnermiit ullut 14-it qaangiutsinnagit akileqquneqassapput. Akitsuut piffissaagallartillugu akilerneqanngippat, pillaammik ernialerlugu akilersinneqassaaq, tak. imm. 4.

Nr. 9-mut

Missangiilluni aningaasarsianik angissusiliinermi maleruagassat akileraaruserinermik ingerlatsineq pillugu Inatsisartut inatsisissaannut siunnersuut naapertorlugu aaqqiivigineqartarnissaannik siunnersuutip malitsigisaraa, taamaammallu sulisoqarnermut akitsuut pillugu Inatsisartut inatsisissaannut siunnersuummi maleruagassat pisariaarullutik taamaammallu atorunnaartariaqarlutik.

Nr. 10-mut

Siunnersuut siunnersuummi nr. 12-imut atatillugu isigineqassaaq.

Nr. 11-mut

Siunnersuut suliffeqarfiit naatsorsuutinut allattaaviinik nakkutilliineq il.il. pillugit malittarisassat akileraaruserinermik ingerlatsineq pillugu Inatsisartut inatsisissaannut siunnersuummi tamakku pillugit malittarisassanik aqunneqarnissaata malitsigisaraa. taamaammallu sulisoqarnermut akitsuut pillugu Inatsisartut inatsisissaannut siunnersuummi maleruagassat pisariaarullutik taamaammallu atorunnaartariaqarlutik.

Nr. 12-mut

Siunnersuut akileraaruserinermik ingerlatsineq pillugu Inatsisartut inatsisissaattut siunnersuut naapertorlugu akileraaruserinermi suliasat akileraaruseriffimmi katersorneqarnissaasa malitsigisaraa.

Siunnersuutigineqarpoq, Naalakkersuisut inatsisip matuma atuutsinneqarnissaanut pisariaqartumik malittarisassaliorsinnaanerit.

Nr. 13-mut

Siunnersuut allannguutissatut siunnersuummi nr. 9-mut atatillugu isigineqassaaq, missangersuilluni aningaasarsianik angissusiliisarnermi maleruagassat sulisoqarnermut akitsuummumut siunnersuummit atorunnaarsinneqassasoq aammalu atuutsinneqarnerani akileraaruserinermik ingerlatsineq pillugu Inatsisartut inatsisissaattut siunnersuummi aaqqiivigineqarluni.

Nr. 14-imut

Siunnersuut § 11, imm. 2-miit 4-mut peerneqarnissaat pillugu siunnersuutip malitsigisaraa, takuuk allannguutissatut siunnersuummi nr. 12 naapertorlugu.